

SCRIPT OF MORNING GOJRI NEWS BULLETIN 1 FEB 2025

10.00HRS

مارننگ گوجری نیوز بولیٹن 1 فروری 2025

یوہ آکاشوانی جموں ہے محبوب سلطانہ تیں خبر سُنو۔

BUDGET

وزیر خزانہ نرملا سینا رمن آج لوک سبھا مانہہ مرکزی بجٹ ۲ ہزار ۵۲-۶۲ نانہہ پیش کرے گی۔ یوہ بجٹ نریندر مودی سرکار گو تیجی دفعہ اقتدار مانہہ آن توں بعد پہلو پورو بجٹ وے غوجدکہ وزیر خزانہ نرملا سیات رمن اس عہد نانہہ سنبھالن توں بعد ۸ وی بار لگاتار بجٹ پیش کرے گی۔ قابل ذکر ہے جے بجٹ پیش کرن توں پہلاں پچھلے تہاڑے اقتصادی سروے پارلیمنٹ گا دوئے ایواناں مانہہ پیش کیو گیو جس مانہہ معشیت گی کارکردگی بارے جائیزو لیو گیو۔

WORLD BOOK FAIR

اج بھارت منڈاپم نوی دلی مانہہ عالمی کتاب میلو شروع ہون جارہیو ہے۔ اس سال اس میلو غو موضوع ہم بھارت گا لوک رکھیو گیو ہے جہیرو بھارت گا ۵۷ براں جمہوری سفر کی یاد مانہہ مانیو جارہیو ہے۔ ۹ تہاڑاں تک جاری رہن آلا اس میلو افتتاح صدر جمہوریہ درویدی مرمو کرے گی۔ آکاشوانی سنگ گل کرتا مانہہ قومی کتاب ٹرسٹ گا ڈائریکٹر پوراج ملک نے دسیو جے اس میلو مانہہ روس نانہہ مرکزی ملک گے طور وں توجہ دتی جارہی ہے جدکہ ۰۵ توں متا ملک جن مانہہ فرانس ارجنٹینا سپین کولمبیا ابودابی قطر تے دیگر شامل ہیں شرکت کرے گا۔ انہاں نے مزید دسیو جے تقریباً ۲ ہزار ناشر تے اک ہزار مقررین میلو مانہہ شرکت کرے گا۔

LG

لیفٹیننٹ گورنر منوج سنہا نے نجی شعباں وں زور پاتا مانہہ کیو ہے جے انتظامیہ سنگ رل گے پسماندہ تے دور دراز علاقاں مانہہ پلیالائیو یعنی عارضی طور وں آرام تے سکون دین آلا دیکھ بھال مرکزیاں گو قیام کرے۔ انہاں نے اس گل گو اظہار پچھلے تہاڑے ایمر جموں مانہہ عارضی طور وں آرام دین بارے دیکھ بھال گی بھارتی ایسوسیشن آئی اے پی سی گی ۲۳وی بین العوامی کانفرنس گی افتتاحی تقریب مانہہ خطاب گے دوران کیو۔ ایل جی موصوف نے ماہرین نانہہ ہدایت دیتا مانہہ کیو جے معیاری عملی طریقہ کار نانہہ جدید بنایو جے تے جان لیو بیماری مانہہ مبتلا افراد گی ضروریات وں متی توجی پائی جے اُن گو مزید کہنو تھو جے مریضاں گل اہل خانہ گی فلاح و بہبود گو خیال رکھیں واضع رہ جے یا کانفرنس آئی اے پی سی جموں کشمیر تے ایمر گے زیر اہتمام منعقد کی جارہی ہے جہیڑی ترا تہاڑاں تک جاری رے گی جس مانہہ ۸ سو توں متا قومی تے بین العوامی مندوبین شرکت کرے گا۔

ANNOUNCEMENT

علاقائی خبراں گو شعبو آکاشوانی جموں مرکزی بجٹ ۲ ہزار ۵۲-۶۲ وں ۵۴ منٹاں وں مشتمل خصوصی پروگرام نشر کرے گا۔ اس خصوصی پروگرام مانہہ مرکزی بجٹ ۲ ہزار ۵۲-۶۲ وں بکھ بکھ شعباں توں تعلق رکھن آلا ماہرین گو رد عمل پیش کیو جے گا۔ اس خصوصی نشریات نانہہ ۲ فروری اتار آلا تہاڑے یعنی پلک رات ۸ بجے نشر کیو جے گا اس ضمن مانہہ تمام

سامین مزید معلومات واسطے مہارا سنگ ۰۰۱ اشاریہ ۳ ایف۔ایم ۱ سو ۴ اشاریہ ۵ میگا ہٹز
تے ویو میڈیم ۹ سو ۰۹ کلو ہزٹ ور سنگ جڑ سکے۔

DY CM

نائب وزیر اعلیٰ سریندر چودھری نے پچھلے تہاڑے سرکاری ڈگری کالج نوشہرہ مانہ سپورٹس بلاک گو نی پتھر رکھیو۔ اس منصوبہ نانہ ۲ سو ۰۸ اشاریہ ۰۵ لکھ گی لاگت توں پورو کیو جے گو۔ جس گو مقصد کھیڈاں گا ٹانچاں نانہ بہترین بنانوں تے طالب علماں تے کھڈاریاں واسطے بہترین سہولیت فرہم کرنو ہے اس موقعہ ور بولتا مانہ نائب وزیر اعلیٰ نے کیو جے سرکار نوجوان بشکار کھیڈاں تے جسمانی قوت گا بادھا واسطے پرعزم ہے۔ انہاں نے اس گل نانہ اُجاگر کرتا مانہ کیو جے کھیڈاں گو یوہ بلاک جدید تربیتی سہولت فراہم کرن تے طلباء نانہ بکھ بکھ کھیڈاں مانہ حسو لین واسطے مدد کرے گو۔ اس دوران انہاں نے بہتر معیار گا کم کاج سنگ اس نانہ متھی وی مدت اندر پورو کرن بارے وی کیو۔

CS

چیف سیکرٹری اتل ڈلو نے پچھلے تہاڑے سول سکرٹریٹ جموں مانہ اک علی سطحی میٹنگ گی سدارت کرگے محکمہ خوراک سول سپلائی صارفین امور تے قانونی پیمائشی گا محکمہ گی کارکردگی گو جائیزو لیو ہے۔ اس میٹنگ مانہ خوراک سول سپلائی صارفین امور محکمہ گا کمشنر سیکرٹری زوبیر احمد تے قانونی پیمائشی محکمہ بارے جموں کشمیر گا کنٹرولر انو رادھا گپتا تے دیگر سنئیر افسر وی موجود تھادواں مہکماں گی کوششاں گی سراہنا کرتا مانہ چیف سیکرٹری نے غیر قانونی طور ور کم کرن آلی ہٹی گا عمل نانہ روکن واسطے محنت نگرانی گی لوڑ ور زور پایو انہاں نے متعلقہ حکام ور زور پایو جے صارفین نانہ ضروری اشیاء گی فراہمی کرن آلا کاروباری اداراں گو باقاعدہ معائنو کرے۔
